



Kohima Ao Baptist Arogo

Tetsür Anogo shia sarasadem user Laishiba Azüngtsü leniba.

**July - December
2022**

Kohima Ao Baptist Arogo

Tetsür Anogo shia sarasadem aser Laishiba Azüngtsii leniba.

“Ne O kü tsüng asoshi milen, aser kü lenmang asoshi tesangwa” T.Ken 119:105.

Iba lai O dak ajemdaker maneni asenoki Tsüngrem O zünga pa den telungjem sarasadem aser onük ka aguja aliba atema sarasademdi.

Putu sa putu Tsüngremi asenok tetsüri sarasadembä nung kanga pelar, asen sarasadem langzüa arudar.

Asen sarasadem asen Tsüngremi langzür ta amanga maneni anünga aliba anogotem nung Pa den telungjem agitsü mamadokli.

Asen sarasadem ola Tsüngremi angashir aser Pai langzür.

Sarasadema Onük S. O. amshir

JULY

01/07/2022: Tsüngrem taochi koba Khrista Yisu nung nenok nem agütsü, aji asoshi ni
nenok indang kü Tsüngrem tenüng teti asanger. *1 Korint 1:4*

S.O: Tsüngrem taochi nung ita terok (6) tashi anir aruba atema tenungsang
agutsüdi.

02/07/2022: Meshiang, aser aji nenok nem agütsütsü, bushiang, aser nenoki angutsü,
akoshiang, aser aji nenok nem lapoktsütsü. *Mathi 7:7*

S.O: Asen Aor kaket shisatsü bushirtem aser mapa bushitem atema
sarasademtsüdi.

03/07/2022: Aser nenoki kü nüng nung kechisa meshidir aji ni inyaktsü, anungji Techir
dak Tebu sentsüwangshitsü. *Yohan 14:13*

S.O: KABA tenyaba mapa aser Missionaries atema sarasademi .

04/07/2022: Tataloktsü aliba item ajak nungi nenoki jenbutettsü aser Nisung Chir
tsüngdang noktaktsü asoshi, nenoki mapang shia saksalema
sarasademang. *Luke 21:36*

S.O: Sri Lanka lima aser neburtem timtem nung aliba nungi nüchi meshitsüdi.

05/07/2022: Nenok kü dak lira aser kü otem nenok dak lira, nenoki kechisa aginür
meshiang aser aji nenok asoshi inyaktsü. *Yohan 15:7*

S.O: Naga lima political timtem nungi nüchi meshia Tsüngrem taochi moajang
ta sarasademtsüdi .

06/07/2022: Amanga sarasademba agi nenoki kechisa meshidir ajak nenoki angutsü.”
Mathi 21:22

S.O: Covid-19, Monkey box, Ebola ramen tashidak item jagi asen nebur
matongtsü Tsüngrem tekümzükba meshia sarasademdi.

07/07/2022: Mosai langzü, “Ne tatenba onok den marura, onok yang nungi anir
tuoma. *Anitet 33:15*

S.O: Rev. T. Alemmeren Missionary aser par kibong atema sarasademdi.

08/07/2022: Aser asenoki kechisa meshidir, aji pai angar ta asenoki metetra, ajangla pa
dang kechisa meshi item nguogo ta asenoki metet. *1 Johan 5:15*

S.O: Rev. L. Kari Longchar former ABAM Executive Secretary aser par kibong
atema sarasademdi.

09/07/2022: Temeshipurtemi ayimtenba KIBUBAi angashir;pai parnok timtem ajak nungi kümzüker. *T.Ken 34:17*

S.O: Rev. Arenla Longchar former Pastor KABA aser lar kibong atema sarasademdi.

10/07/2022: Anungji Peter tepuokdak shibanger nükya liasü. Saka arogoi pa asoshi Tsüngrem dang ajang ajanga sarasadema liasü. *T.Mapa 12:5*

S.O: Late Saku Changkija former Associate Pastor KABA aser par kibong atema sarasademdi.

11/07/2022: Anungji ain adokba aser bangsentepba medeni teburtemi tesem ajak nung temeshi tekamekanga sarasademdaktsünür. *1 Timoti 2:8*

S.O: Mr. Tinuangnen (KABA Chowkidar) aser kibong atema sarasademdi.

12/07/2022: Saka ni asoshi Tsüngrem anasa alibaji tajungtiba; ne mapa ajak indang ashitsüsa ni KIBUBA Tsüngrem küjenokdak kümdaktsüogo. *T. Ken 73:28*

S.O: Mr. Akumchuba (KABA Chowkidar) aser kibong atema sarasademdi.

13/07/2022: KIBUBA ngutettsüsa alidang pa bushiang, pa anasa alidang nenoki pa ja-
ang. *Isaia 55:6*

S.O: Mr. Toshimar (KABA Chowkidar) aser kibong atema sarasademdi.

14/07/2022: Anungji nüngdak mapang nung yaritetsüsa taochi angutsü aser asenoki
taochi agizüktettsüsa asenoki tamang teimla agi taochi menden anasai
odi. *Ibri 4:16*

S.O: Mr. Lanu (JMC Chowkidar) aser kibong atema sarasademdi.

15/07/2022: KIBUBA tenük temeshipur madak lir, parnoki ayimtenba tsütsü pa
tenarong shia lir. *T.Ken 34:15*

S.O: Mr. Alemwati (JMC Chef) aser kibong atema sarasademdi.

16/07/2022: Parnoki majadang ni langzütsü, parnoki jembia alidang ni angashitsü.

Isaia 65:24

S.O: Mr. Gopal (KABA Driver) aser kibong atema sarasademdi.

17/07/2022: Ajiang, kümzüktsü atema KIBUBA teka tatsü masü, mesüra mangashitettsüa pa tenarong anüa mali. *Isaia 59:1*

S.O: Mr. Takatoba (KABA Driver) aser par kibong atema sarasademdi.

18/07/2022: Kechiaser meshimejungeri ayimtendang, aser teyarir malir sensaker pai kümzüktsü. *T.Ken 72:12*

S.O: Mr. Imsumanen (KABA Property cum work supervisor) aser par kibong atema sarasademdi.

19/07/2022: KIBUBA taküm lir; aser kü lung temoatsü sangma, aser kü tekümtet lung, kü Tsüngrem ulua kümdakjang. *2 Samuel 22:47*

S.O: Alima ajunga nung yimchung tesünep aser yimchiyimchung meshia sarasademi.

20/07/2022: Anungji ajak dang tamasa nisung ajak asoshi temepishiba, sarasademtsüba, tangar atema asüngdangtsüba, aser tenüngsang Tsüngrem dangi abentsüla. *1 Timoti 2:1*

S.O: Tebutem nem arishi moajang ta sarasademdi.

21/07/2022: Kechiyong Tsüngremi asenok nem tetsübu tanelä masü, saka ain aser temeim aser tazükba tanelä agütsü. *2 Timoti 1:7*

S.O: Temang timtem agi tonga lemter aliba adianutem atema tesünep aser taochi meshia sarasademdi.

22/07/2022: Saka nenok rongnung kar shisatsü agi anünga lira, atala-a marütsüi angati ajak nem agütsüba Tsüngrem dang pai meshidakjang, aser aji pa nem agütsütsü. *Yakob 1:5*

S.O: Alima ajonga nung tetsütem atema sarasademdi.

23/07/2022: Aser pai tanaben sarasadem aser anüngi tzünglu yok, aser ali-i pei tejang tangtsü. *Yakob 5:18*

S.O: Tanelä sempet aketertem ano tali temerekba tejangjaba nung amshitsü sarasademdi.

24/07/2022: Ne nükdang tenükshitsü ka ama nai ni kümzükang; ne tashikang akhüm nung ni jenokdakjang. *T. Ken 17:8*

S.O: Naga nuchiso bushirtem atema sarasademdi.

25/07/2022: Kechiyong Kibuba tenük temeshipur madak lir, aser parnok sarasademba angatsü pa tenarong tendaka lir; saka Kibuba tejak tamajung inyakertem anema lir. *1 Peter 3:12*

S.O: March ita nungi tenzuka Russia aser Ukrain tsüngda rara arur parnok tsüngda yimchung aser teputep moajang ta sarasademi.

26/07/2022: Saka marendaki amanga pai meshidakjang, kechiaser shibai arentaker, pa mopung nung temaleni ona atuba tzüyim tzüsem ka ama lir. *Yakob 1:6*

S.O: Tamangertem alima yimya kecha agia manokshitsü tamang takang meshia sarasademi.

27/07/2022: Ajiang pa temenen agi mashisa lir, aser tamajung agi mashisa küma tiyazü aser lendong soogo. *T. Ken 7:14*

S.O: Naga Khristantem ajemaluba sobutsü jangradakjang ta sarasademi.

28/07/2022: Oh KIBUBA, koma ni ne madang atangji nung aser temulungjang ochi nung jaja, aser ne tsüngdang koba tajung aji inyakogo, tang bilemtetangma. Aser Hezekia kanga ajeb. *2 Chubatem 20:3*

S.O.: Temeim, sarasadem aser tatok agutsütetba item asem teti taküm nung sobua alitsü tashi meshia sarasademdi.

29/07/2022: Oh, kü nela, KIBUBA sangang; aser kü dak aliba ajak agi pa temeshi tenüng sangang. *T. Ken 103:1*

S.O.: Na kechi jenjang nung lir, iba temoatsü asoshi tenungsang aguja sarasademdi.

30/07/2022: Saka Tanelä tejang itemi: temeim, tepela tesünep, taremzük, kümlü tajung, tejungnü, temulung lemtetba. *Galatia 5:22*

S.O.: Alima nung yimchung meshia sarasademdi.

31/07/2022: Tia ajak nung tenüngsang agüjang. Kechiyong nenok asoshi Khrista Yisu nung ya Tsüngremi mulungba lir. *1 Thes 5:18*

S.O.: Tsüngremi KABA maneni moajang ta sarasademdi.

AUGUST

01/08/2022: Ni KIBUBA lir ta metettsü ni parnok nem temulungjang agütsütsü; aser parnok kü nübur alitsü aser ni parnok Tsüngrem alitsü, kechiyong parnok temulungjang ajaki kü dangi meyiptsü. *Yerimia 24:7*

S.O: America lima (gun culture) perangpong amshiba ajanga nisuntem aika khaseta timtemer. Parnok yimya Tsüngremi melenshijang ta sarasademdi.

02/08/2022: Temeimbatem, asenoki kati ka den meimtepdi; kechiaser temeim Tsüngrem nungi lir. Aser shibai meimer pa Tsüngrem nungi asoba aser pai Tsüngrem metet. *1 Yohan 4:7*

S.O: Alima tesem aika nung telok kati telok majinüba ajanga tsükchitepba aser tepsettepa jenti lir. Meimchir molungjang nung temeim shisatsü mongdakjang ta sarasademdi.

03/08/2022: Aser Khrista tesünep koba dangi nenoka tamang ka nung aja, aji nenok temulung nung chubakdakjang aser nenoki tenüngsanga liang.

Kolosi 3:15

S.O: India nung religion mech Hindu, Muslim aser Khristian tsüngda raratepba anentsü sarasademdi.

04/08/2022: Aser kü Tsüngremi Khrista Yisu nung pa sentsüwangshi nung pa rongsen
yari nenok tenüngdaktsü ajak agütsütsü. *Fili 4:19*

S.O: Sri Lanka lima rongsenketzung terenlok moajang ta sarasademdi.

05/08/2022: Ni nenok den tesünep toktsür; kü tesünep ni nenok nem agütsür. Alimai
agütsüba ama ni nenok nem magütsür. Nenok temulung teraksa aser
tsübua teli. *Yohan 14:27*

S.O: China aser India tsüngda yimchung aser tesünep meshia sarasademdi.

06/08/2022: Aser nisungi am tesa agi dangbo taküm malir, saka KIBUBA tebang nungi
kechisa adokdir aji agi nisung taküm alir ta pai ne nem metedaktsütsü
asoshi, pai na ajemaludaktsü, aser na yaseta kümdaktsü aser mana agi
pai na mesü, koba naia mesüra ne tsüraburtemia memeteti liasü.

Tazüngkunem 8:3

S.O: Tsüngrem O züngnuba tejangraba tanela meshia sarasademdi.

07/08/2022: Aser temeshiba mapa nungi adokbaji tesünep alitsü, aser ochiba nungi
adokbaji teti asoshi ajemajema aliba aser tamang katetba alitsü.

Isaia 32:17

S.O: Tanu KABA Tajung Samaria Sunday amungba ajanga ano tali mapa tajung
inyaktsü jangraba amangbapur adokdakjang ta sarasademdi.

08/08/2022: Tamajung agi tekokdaktsü, saka tajung agi tamajung kokdakjang.

Rom. 12:21

S.O: Tangar dak ranglokldang pei tashimait angateta tajung reprangtetba takum ka ka südakjang ta sarasademdi.

09/08/2022: Tang idaki sarasadem asüba dangi kü tenük yoktsü, aser kü tenarong atentsü. *2 Puti 7:15*

S.O: Prayer Center balala nung amongertem atema sarasademtsüdi.

10/08/2022: Saka tamasa nenoki Tsüngrem yimli aser pa temeshiba bushiang, aser item ajak nenok nem bendenloktsütsü. *Mathi 6:33*

S.O: NPSC tatitang agutsürtem atema sarasademtsüdi.

11/08/2022: Aser asenoki tajung inyakba nung melakli, kechiyong asenoki temulung makai mekümra, mapang shitak nung arutsü. *Galatia 6:9*

S.O: NBCC nung lenirtem atema sarasademtsüdi.

12/08/2022: Ne mulung ajak agi KIBUBA dak amangang, aser na pei teshisadangba nung temulung lema teli. *A. Shin 3:5*

S.O: HSLC aser HSSLC nung asen Aoer takok tulu angurtem atema tenungsang aguja sarasademdi.

13/08/2022: Arung aser ni kümzükang Oh KIBUBA; Ne temeim taochi agi ni kümzükangma. T.Ken 6:4

S.O: Kaket shisatsü bushiba nung tamakok ngur temulung zürepba alirtem atema taochi meshija sarasademdi.

14/08/2022: Anepdang ne temeim yimlibilem kü nem angashidakjangma; kechiyong ni ne dak amanger. Kechi nung ni jajatsü tim kü nem metetdakjangma. Kechiyong ni kü nela ne dangi ajungketer. T.Ken 143:8

S.O: Addiction balala nung asen Aoer asonger alirtem atema sarasademtsüdi.

15/08/2022: Oh kü nela, kibuba sangang aser kü dak aliba ajak agi Pa temeshi tenung sangang. T.Ken 103:1

S.O: Indian Independence ngur küm 75 tashi len aniba atema tenungsang agutüdi.

16/08/2022: Yamaji inyaka nenoki tashi maiter dang yaritsü, aser Kibuba Yisui ashiba otem bilemtettsü, kechiyong Kibubai yamai ashir, 'Tagizükba dang nungibo tagütsübaji tali temoatsüba lir.' T. Mapa 20:35

S.O: Tagutsünü mulungsentsü meshia sarasademdi.

17/08/2022: KIBUBA dak pela-ang, aser pai ne mulungi aginüba agütsütsü.

T. Ken 37:4

S.O: Kibong akumtsü life partner bushirtem atema sarasademtsüdi.

18/08/2022: Anungji nenoki “chiyungaka jemaka,” kechisarena inyakaka ajakji Tsüngrem sentsuwangshi asoshi inyakang. *1 Korint 10:31*

S.O: Kibong tajung moatsüba atema tenungsang agutsüdi.

19/08/2022: KIBUBA nem tenüngsang agüjang, kechiyong pa tajung lir, kechiyong pa yimlibilem teti alir. *1 Puti 16:34*

S.O: Pei pei tejen pur medemertem kar bilemteta sarasademi.

20/08/2022: Nisungi aremtettsüsa tatitangba alema nenok dangi tatitang maru, aser Tsüngrem temulung lemtetba asü nung pai nenoki aremtettsüba dak alema matitangdaktsütsü, saka nenoki aremtettsüsa aser tatitang nungi jenbutettsüsa pai lenmang renemtsütsü. *1 Korint 10:13*

S.O: Kibong nung khuret timtem balala bener alirtem atema sarasademtsüdi.

21/08/2022: Tsüngremi Rachel bilemtet, pai la sarasadem langzü aser la nu menden
lapoktsü. *Lipok 30:22*

S.O: Chirnur aginua atartem atema sarasademtsüdi.

22/08/2022: Ni nenok ala-ashia metoktsütsü; Ni nenok dangi arutsü. *Yohan 14:18*

S.O: Tsürapur abensa malirtem atema sarasademtsüdi.

23/08/2022: Tebutem, nenoki pei chirtem tashi manga makümtsü asoshi nenoki
parnok dang nemnemshinem tesü. *Kolosi 3:21*

S.O: Chirnur mebendangi meimtsü tashi meshia sarasademi.

24/08/2022: Anepdang yakta ano manga alidang, Yisui shishir kimai adoka
azüngmeyakdak tesem katiaenshia ao, aser yangji pai sarasadem.

Mark 1:35

S.O: Sarasadem nung tali akangshitsü tashi meshia sarasademi.

25/08/2022: Saka nenok rongnung kar shisatsü agi anünga lira, atala-a marütsüi angati
ajak nem agütsüba Tsüngrem dang pai meshidakjang, aser aji pa nem
agütsütsü. *Yakob 1:5*

S.O: Lanur over aged sur mapa mongoi takum nung Tsüngremer nükjidong
bushirtem atema sarasademtsüdi.

26/08/2022: Ibai asen Kümtetdakba Tsüngrem madang tajung aser tagizüktettsüa lir.
1 Timoti 2:3

S.O: Nagalang nung lenmang, electricity, tajemtsü tzü moajang ta sarasademdi.

27/08/2022: Kechiyong asen mokokmintem nung aria bilemtsü makokba temaba putir kaji masü, saka asenok ama pa-a temenen meinyakaka kechisarena nung atitanga liasü.
Ibri 4:15

S.O: Ali shi tejangrabatem kokteta alitsü atema tashi meshia sarasademdi.

28/08/2022: Kecha nunga temulung tatem ma, saka ajak nung sarasadembä aser mepishiba aser tenüngsang agi nenoki mepishiba Tsüngrem nem metetdakjang.
Filipi 4:6

S.O: Public transport nung cari anishirtem atema sarasademtsüdi.

29/08/2022: KIBUBA nem tenüngsang agüjang, kechiyong pa tajung lir, kechiyong pa yimlibilem teti alir.
1 Puti 16:34

S.O: Yimtsüng shia nung yimsüser tem atema Tsüngremer shisatsü meshia sarasademtsüdi.

30/08/2022: Idangji pai nenok metsüjang asoshi tzünglu agütsütsü, koba agi nenoki metsü proker, aser wheat tsük tajung aser jenti ali-i tangtsütsü. Iba anogo nung nenok kiset shiruru chiyimdaak tesadem nung chiyimtsü.

Isaia 30:23

SO: Alu yimer tem atema sarasademtsüdi.

31/08/2022: Tang, Oh Tsüngrem, ni tambur aser kupu pua aküm nung nai ni tesendokma, taruba pututem dang ni ne tashi aser uluba indang metetdaktsütsü.

T.ken 71:18

SO: Senior citizenem atema tanela renema tenungsang aguja litetba takum sütettsü taochi meshija sarasademtsüdi.

SEPTEMBER

01/09/2022: Aser tanurji ain aser tashi ita aküm, aser pa shisatsü agi sünga, aser Tsüngrem taochi pa madak liasü.

Luke 2:40

S.O: Kinu tanurtem atema Tsüngrem mesükba nung aintsü sarasademtsüdi.

02/09/2022: Aji aka ni KIBUBA nung pelaseta alitsü, ni kü tekümtet Tsüngrem dak pelatsü! *Habakuk 3:18*

S.O: Nagaland border nung yimtsüngtem atema sarasademtsüdi.

03/09/2022: Hau, ni tasü ammang ayongkhüm ajanga jaja-aka, ni kecha lendong metsübutüsü; kechiaser na kü den lir, ne mechi aser ajok agi ni sünepdaktsür. *T.Ken 23:4*

S.O: Tsüngrem dak teimla yor tasü tait tanela meshia sarasademdi.

04/09/2022: KIBUBAi kotak nungi repranger; aser meimchir ajak angur. Pa amenba chuba menden nungi, alima nung alir ajak pai repranger. *T.Ken 33:13-14*

S.O: 2023 Naga lima General Election atema Tsüngrem taochi meshia sarasademdi

05/09/2022: Aser item ajak dak alema temeim kobai kechisarena tetemjen telungjem nung alentepa yutsür iba temeimji sobuang. *Kolosi 3:14*

S.O: Ne jashidaktsüba nisung ka bilemteta tatok aguja sarasademdi.

06/09/2022: Idangji pai parnok dang ashi, “Nenok oang, temo chiang aser yi tanangji jemang, aser renema malir asoshi shilem kar tenla bendakjang, kechiasier KIBUBA tsüngdang tanü temeshi anogo lir; nenok jashia telima, kechiasier KIBUBA tepelaji nenok tashi lir.” *Neh 8:10*

S.O: Tsüngrem tenla ki menungratsü molungsentsü agujang ta sarasademdi.

07/09/2022: Aser tatitangi onok tanima, joko tamajungba nungi sota liangma. Kechiasier Yimli, ain aser sentsüwangshi teti ne meyong sang. Amen.

Mathi 6:13

S.O: Tamangertem temenen nung metsüktsü asoshi tashi tasen meshidi.

08/09/2022: Shisa tako leniba malidak nübur laor, saka kibok tesayuba bulua alidak tekümzük lir. *A.Shin 11:14*

S.O: Yimer fellowship inchargetem atema sarasademtsüdi

09/09/2022: Ne lenmang ajak nung pa agizükang, aser pai ne lenmangtem metongtsütsü. *A.Shin 3:6*

S.O: School aser College nung tesayurtem atema sarasademtsüdi.

10/09/2022: Pai nisung ajak kümzükdaktsünür aser ochi metetba shisatsü dangi arudaktsünür. *1 Timoti 2:4*

S.O: Tekumtet mejangjai alirtem atema sarasademtsüdi.

11/09/2022: Anungji nüngdak mapang nung yaritettsüsa taochi angutsü aser asenoki taochi agizüktettsüsa asenoki tamang teimla agi taochi menden anasai odi. *Ibri 4:16*

S.O: Tsüngremi KABA moatsüba atema tenungsang agutsüdi.

12/09/2022: Aser Tsüngrem tesünep kobai tangatetba ajak atentanger, ajagi Khrista Yisu nung nenok temulung aser tebilemba nüka alitsü. *Filipi 4:7*

SO: Asen molungsentsü meshiteta sarasademdi.

13/09/2022: Kechiyong ni na tanaben anema kümdaktsütsü, aser ne zübutem ni anebtsütsü ta KIBUBAi ashir. *Yerimia 30:17*

S.O: KABA Healing Crusade sendak nung kechisa achayangdir item ajak nung Tsüngrem taochi meshia sarasademdi

14/09/2022: Saka kodang Tanelia Temeshi nenok dangi arudir nenoki ain agizüksü, aser Yirusalem nung, Yihuda aser Samaria ajonga nung aser alima tatem tonga, nenok kü kulitem asütsü.” *T. Mapa 1:8*

S.O: KABA Healing Crusade speaker, counselors aser kentener atema sarasademtsüdi.

15/09/2022: Kü tepu kümang, aser ni alangzükang; ne tenangzükba yari kü nem taküm agüjangma. *T. Ken 119:154*

S.O: Asüng nungi tenzüka KABA Healing Crusade nung shi aser tanelia nung tanepstsü anguba mapang südakjang ta sarasademdi.

16/09/2022: Ni anebjang, Oh KIBUBA, aser ni anebtsü; ni kümzükang aser ni kümzüksü, kechiyong na kü nüngsang. *Yerimia 17:14*

S.O: Pei taküm renemshiba anogo tajung ka südakjang ta shidi.

17/09/2022: Anungji asenoki mapang ajak nung inyaklen lira, nisung ajak asoshi aser tongtibangsa tamangertem asoshi tajung inyakdi. *Galati 6:10*

S.O: Tsüngrem tenzukbapurtem ajak tanelia ain aser tashi tasen meshija sarasademdi

18/09/2022: Tatidang nung metsüktsü nenoki saksalemang aser sarasademang; Tanelai jangrar saka shi nung tashimait. *Mathi 26: 41*

S.O: Tsüngremer ola angashitsü taochi meshia sarasademdi.

19/09/2022: Kechiaser shiba takoksang lir, Pai ni asoshi mapa tulu inyakogo, Pa tanüng temeshi lir. *Luke 1:49*

S.O: India nung Theological College tem atema sarasademtsüdi.

20/09/2022: Oh na tekülak temeli, nai ne temeli agi tangar yirutsütsü meimer.

Ken 52:4

S.O: Tiyazü jembiba nungi pilaa alitsü sarasademdi.

21/09/2022: Kechisarena pa ajanga adok, aser kechisa yangluogo, pa medenibo kecha meyanglu. *Yohan 1:3*

S.O: Factories tem atema sarasademtsüdi.

22/09/2022: Saka nenok rongnung shiba tulutiba lir, pa nenok tenzüker asütsü.

Mathi 23:11

S.O: Mr. Longdinok Jamir (KABA Chandmari Chowkidar) aser kibong atema sarasademtsüdi.

23/09/2022: Tsüngremer taochi tapu balala ketdangsürtem tajung ama nenok shiai sempet kaka agizüka alibaji katı ka asoshi amshiang. *1 Peter 4:10*

S.O: Mr. Moasanen (KABA AG Chowkidar) aser kibong atema sarasademtsüdi.

24/09/2022: Kechiyong asenok taküm lira, asenok Kibuba atema taküm alir, aser asenok süra, asenok Kibuba meyong. *Rom 14:8*

S.O: Mr. Tangit (KABA Lerie Chowkidar) aser kibong atema sarasademtsüdi.

25/09/2022: Kibuba nungi senmang tajangzük angutsü ta meteta, 24nenoki kechisa inyakdir aji nisung dang masü, saka Kibuba dang temulung ajak agi inyakang; kechiyong nenoki Kibuba Khristaji tenzüker. *Kolosi 3:23,24*

S.O: Mr. Benjongmeren (KABA New Ministers' Hill Chowkidar) aser kibong atema sarasademtsüdi.

26/09/2022: Yamaji Nisung Chir-a tenzükdaktsütsü masü, saka tenzüktsü aser aika alang pei taküm agütsütsü aru. *Mathi 20:28*

S.O: Mr Vitong (KABA Minister Hill Chowkidar) aser kibong atema sarasademtsüdi.

27/09/2022: Aser asenoki tajung inyakba nung melakli, kechiyong asenoki temulung makai mekümra, mapang shitak nung arutsü. *Galati 6:9*

S.O: Mr. Koramongba Jamir (KABA Merhulietsa Chowkidar) aser kibong atema sarasademtsüdi.

28/09/2022: Kechiaser nai temeshipur moatsür; Oh Kibuba, jong agi ama ne temeim agi parnok awabanger. *T.Ken 5:12*

S.O: Mr. Aotemsü (KABA Bayavü Chowkidar) aser kibong atema sarasademtsüdi.

29/09/2022: Kechiyong nenoki temeshipurtem yariogo aser tanga yaridagi, aser aji agi Tsüngrem tenüng asoshi nenoki koba temeim sayu nenok mapa amatsüsa Tsüngremji ochi mashi masü. *Ibri 6:10*

S.O: Mr. Waimongba (KABA Phezoucha Chowkidar) aser kibong atema sarasademtsüdi.

30/09/2022: Ne tsüngdang nungi ni teindok, aser ne temeshiba tanela kü dak nungi tagien. *T.Ken 51:11*

S.O: Diabetes agi timtemertem atema sarasademtsüdi.

OCTOBER

01/10/2022: Oh kü nela, kibuba sangang aser kü dak aliba ajak agi Pa temeshi tenung sangang. *T.Ken 103:1*

S.O: Küm tasen arishi tasen temoatsü asoshi Tsungrem tenung sanga sarasademdi.

02/10/2022: Aser oda asatao tonga ni ano kasa lir, nenok kupu mapu tashi ni nenok abentsü; ni yangluogo aser ni apungtsü, ni abentsü, aser ni kümzüktsü. *Isaia 46:4*

S.O: KABA Senior citizenem atema sarasademsüdi.

03/10/2022: Ni ku mulung nung temenen sabu asubo, Kibubai ku dang mangala. *T.Ken 66:18*

S.O: Alima tesem balala nung Khristanpur reshikangshia alirtem asoshi Tsüngrem tekümzukba meshija sarasademdi.

04/10/2022: Ne O kü tetsüng asoshi milen, aser kü lenmang asoshi tesangwa. *T.Ken 119:5*

S.O: Tsüngrem O nung tera ayangba taküm ka sütetsü tashi meshia sarasademdi.

- 05/10/2022:** Kü tejashi nung ni Kibuba dang langzü. *T. Ken 120:1*
S.O: Temokok agi ali nung tsüketer sarasadem anenba mapangji tamangertem atsüngzüka aotsü tenzükba mapangji asütsü. Atsüngzüka oa aliba tamangertem mesoba küm ka sudakjang ta sarasademdi.
- 06/10/2022:** Meshiang aser nenok nem agutsütsü, bushiang, aser nenoki angutsü, akoshiang, aser aji nenok nem lapoktsütsü. *Mathi 7:7*
S.O: Ali nung süngjanglijang, anüng nung mepet, azüngtsü, tsünglu aser mopung temerük Tsüngremi asenok nem moajang ta sarasademdi.
- 07/10/2022:** Aser tatitangi onok tanima, jogo tamajungba nungi sota liangma. *Mathi 6:13*
S.O: Taküm jenjang mangateti aliba purtem asoshi tangatetba meshija sarasademdi.
- 08/10/2022:** Yimsopur aser nenok rongnung munga alir aener ajak asoshi ozüng ya kasa alitsü. *Anitet 12:49*
S.O: Burmese refugeeetem atema Tsüngrem taochi aser leniba meshia sarasademdi.

09/10/2022: Yamai KIBUBA, nebou Dawid Tsüngremi ashir, 'Ni ne sarasadem angashiogo, ni ne nüktzü nguogo; ajiang, ni na anebtsütsü.

2 Chubatem 20:5

S.O: Covid agi shiranger alirtem atema tashi tasen meshia sarasademtsüdi.

10/10/2022: Kati ka den khu bentepang, aser aji oda Khrista ozüng atalokdakjang.

Galatia 6:2

S.O: Jail nung alir anepalurtem atema sarasademtsüdi.

11/10/2022: Aji asünung kangkokangji mesüra tashishiba kecha medeni inyakang. 15 Anungji iba mashikoshi aser tekirak putu nung nenok tindang Tsüngrem chirtem, ochi aser tai meketi tesangwa ama ayatsü. *Filipi 2:14-15*

S.O: KABA Mapangsertem atema sarasademtsüdi.

12/10/2022: Anungji onok Khrista asoshi o tongtartem lir. Aser Tsüngremi onok ajanga mepishir, Tsüngrem den putepa liang ta onoki Khrista tenüng nung nenok dang mepishir. *2 Korint 5:20*

S.O: KABA Evangelistic Committee atema sarasademtsüdi.

13/10/2022: A-aka meli-i teinyaker ka küma ochi oji timi amshia Tsüngrem tsüngdang agizüktettsüsa ne sasa bendanga agüjang. *2 Timoti 2:15*

S.O: KABA Sarasadem Committee atema sarasademtsüdi.

14/10/2022: Tashi itang, aser tasü itang; tetsübu, aser parnok tsübua teli; kechiyong KIBUBA ne Tsüngrem, ne den aosangji pa lir, pai na metoktsütsü, mesüra senzüka meyutsütsü. *Tazüngkunem 31:6*

S.O: Cancer agi shirangertem atema taneptsü meshia sarasademtsüdi.

15/10/2022: Kechiyong Tsüngrem O taküm aliba aser teinyak, aser anatsü nok ajak dang nungi techiraba lir; aser taküm o tanelä, tatentep o tenüngla ya ajak ateta bendangtetba, temulung tebilemba shisatsü aser tasa asaba yakta metetba lir. *Ibri 4:12*

S.O: Sunday school tesayurtem atema sarasademtsüdi

16/10/2022: Tenüngsang ken, Osangtajung ken, aser tanelä kentem agi kati ka den jembitepang aser kensü ola tajung nenok mulungjang nungi adoka Kibuba dang tenang. *Efesa 5:19*

S.O: Music Ministry atema sarasademtsüdi.

17/10/2022: Kechiyong nenok asoshi kü sentong ni meteta lir, oda tamajung asoshi masü, tesülen nenok nem teimla agütsütsü, yimjung indang tebilemba” ta KIBUBAi ashir. *Yerimia 29:11*

S.O: Tanurtem autism agi timtemertem bilemteta sarasademi.

18/10/2022: Nüngdakba purtem tetibo mesendoktsü, mesüra sensaker teimla tetibo mesamatsü. *T.Ken 9:18*

S.O: Sensaker aser makamaiterterem Tsüngremi yariang ta sarasademi.

19/10/2022: Oh Kibuba, ni ne dang mepishir tang ne tenzukeri sarasademba aser ne tenung tsübutsü jangrar.....iba anogo nung nai ne tenzüker azükarua lidakjang. *Nehemia 1:11*

S.O: Tsükchir dang tai toktetsü aser takoker Khristan taküm ka sütetsü taochi meshidi.

20/10/2022: Khrista shibai ni tashi itdaktsür pa dak ni ajak inyaktsü akok. *Filipi 4:13*

S.O: Khristan kaket zulurtem atema sarasademtsüdi.

21/10/2022: Aser Yisui la dang ashi, "Tenü ne tamang agi na anepogo, tesünep nung oang," Luke 8:48

S.O: Tasü tait tamang meshia sarasademdi.

22/10/2022: Kechiaser "Shibai taküm meimer, aser anogo tajung ngunür, tamajung nungi pai pei temeli sotang, aser tiyazü jembiba anenang. 1 Peter 3:10

S.O: O talila moloka jembiba nungi tazükba meshia sarasademdi

23/10/2022: Tesüngjem temulung agi shi nung taküm agütsür;saka tenükmerem jagi teret tap kümdaktsür. A.Shin 14:30

S.O: Tangar meshi nukmerema reprangba shisatsü samajang ta shidi.

24/10/2022: Aser KIBUBA Tsüngremi ashi, "Nisungji kija alitsü majung; ni pa asoshi tetemsü teyarir ka yangludi. Lipok 2:18

S.O: Tsüngremi teyarir ka asütsü tetsürtem nem maongka agutsüba atema Tsüngrem tenung sangdi.

25/10/2022: Tsüngrem asen jenokdak aser tashi, timtem nung anasatiba teyarir.
Anungji alimaji anokshiaka, aser tenemtem, tzüyim tiyongi ajungokaka
onoki metsübutsü. *T. Ken 46:1-2*

S.O: Anentsü (Landslide) agi timtemertem atema sarasademtsüdi.

26/10/2022: Amanga sarasadembä agi nenoki kechisa meshidir ajak nenoki angutsü.
Mathi 21:22

S.O: Dimapur aser Kohima lenmang yakta renemtetsü atema sarasademdi.

27/10/2022: Aser Tsüngrem tesenep kobai tangatetba ajak nenok temulung aser
tebilemba nüka alitsü. *Filipi 4:7*

S.O: Office nung inyaker tetsürtem atema sarasademtsüdi.

28/10/2022: Aser kü Tsüngremi Khrista Yisu nung Pa sentsüwangshi nung Pa rongsen
yari nenok tenungdaktsü ajak agutsütsü. *Filipi 4:19*

S.O: Aoer contractors' tem atema shisatsü meshia sarasademtsüdi.

29/10/2022: Temeshipur Kibubai pei asoshi shimtetogo ta metetang; Kodang ni Kibuba dang jadir, pai angashitsü. *T.Ken 4:3*

S.O: Ao Arogotem shirnoksa küm noklang ka (100) mungetetogo item asoshi tenungsang agutsüdi.

30/10/2022: Kü taküm sotang aser ni kümzükang;ni mak tesüdaktsü, kechiaser ni ne dak jenoker. *T.Ken 25:20*

S.O: Kidney timtem atema taochi meshia sarasademtsüdi.

31/10/2022: Ajemaluba aser tesüngjem agi, aremzükba agi, temeim nung katı ka den azüzutepang. *Efesa 4:2*

S.O: N.V. Press moaja sarasademdi.

NOVEMBER

01/11/2022: Oh, kü nela, KIBUBA sangang; aser kü dak aliba ajak agi pa temeshi tenüng sangang. Oh, kü nela, KIBUBA sangang; aser pa teyaritem tamadok. *T.Ken 103:1-2*

S.O: ABAM Sesquicentennial Celebration tongtetedaktsüba atema tenungsang agutsüdi.

02/11/2022: Ni tezü aser nenok kongsangtem. Shiba kü dak lir aser ni shiba dak alir, pa
jagi süngjang jenti atangtsü; kechiaser ni nungi pila-a nenoki kecha
meinyaktet. *Yohan 15:5*

S.O: ABAM kübok Ordained ministers ajak atema sarasademtsüdi.

03/11/2022: Anungji Tsüngremer mapang tetemsü nung nenok uludaktsütsü asoshi
nenoki nenok sasa pa tashi taitba teka kübok ajemalua kümang.

1 Peter 5:6

S.O: ABAM kübok Arogotem nung tenzükertem ajak atema sarasademtsüdi.

04/11/2022: Sempet tajung ajak aser tabensaba ajak temaba nungi lir, aser
tesangwatem Tebu, shiba melenshiba aser meyipshiba akhüm mali, pa
nungi item ajak lir. *Yacob 1:17*

S.O: Teka mapa inyakertem (Craftsmen) atema sarasademtsüdi.

05/11/2022: Shibai Pei lu yimdir chiyungtsü peria angutsü; saka shibai amajok mapa
arishidir, sensak tia peria angutsü. *A.Shin 28:19*

S.O: Nagaland nung private sectors nung inyakertem atema sarasademtsüdi.

06/11/2022: Saka nenok rongnung kar shisatsü agi anünga lira, atala-a marütsüi angati ajak nem agütsüba Tsüngrem dang pai meshidakjang, aser aji pa nem agütsütsü. *Yacob 1:5*

S.O: School tanurtem final exam agutsürtem atema sarasademtsüdi.

07/11/2022: Kechisarena pa ajanga adok, aser kechisa yangluogo, pa medenibo kecha meyanglu. *Yohan 1:3*

S.O: Tsüngremi technology balala moatsüba ajanga lemang aika nung anisüngzük agütsüba atema tenungsangdi.

08/11/2022: KIBUBAi Mosa dang ashi, “Nüburtem dangi oang, aser tanü o asüng na nai parnokji meshiteta yuang aser parnok süoshi shitokdakjang.

Anitet 19:10

S.O: Asen aoer Laishirtem atema sarasademtsüdi.

09/11/2022: Kibuba nem tenüngsang agüjang, kechiyong pa tajung lir, kechiyong pa yimlibilem teti alir. *1 Putipuyang 16:34*

S.O: Tanu tashi Kibubai moatsübatem züngdanga tenungsang agutsüdi.

10/11/2022: Aji aka sensakertem timtem toushi nungi pai temalen i ajungkettsür, aser san telok ama par kinungertem kümdaktsür. *T.Ken 107: 41*

S.O: Israel aser Palestine na tsüngda west bank nung raratepba anentsü asoshi sarasademtsüdi.

11/11/2022: Nisung kari kar anema tai agütsüra, nenoki kati ka den talangka aremzüka tai toktepang. Kibubai kechi koda nenok tai atok, yamaji nenokia benshiang. *Kolosi 3:13*

S.O: Kibong nung kati ka dang tatok agütsüteta temeimtep nung alitsü tashi meshidi.

12/11/2022: Ajiang, per aser jepja madak aser tsükchir ajak manung ajemshitsü ni nenok nem tashi agütsüogo; aser kecha südanga kecha agia nenok meyirudaktsütsü. *Luke 10:19*

S.O: Ozü kibongi ne temelaba nung jajatsü yariang ta shidi.

13/11/2022: Ajak tendangang; tajungba kechi lir akanga ametang. *1 Tesalonika 5:21*

S.O: Scientist aser researcherstem atema shisatsü meshija sarasademdi.

14/11/2022: Tanur ka pei aotsüba lenmang nungji sayutetang; aser pai tain akümdang iba nungi mepilatsü. *A.Shin 22:6*

S.O: Tanurtution aguja senzür tesayurtem atema sarasademtsüdi.

15/11/2022: Metsü tsüngkhüm mapang nung,KIBUBA shibai tsüngpret yanglur,pa nungi tzünglu asüngdangang;aser pai parnok nem tzünglupu,aser nisung shia nem moapu nung tsünütsü agütsütsü. *Zekaria 10:1*

S.O: Süngdong lidong aser tzü mepong tajung moatsüba atema tenungsang agutsüdi.

16/11/2022: Temeshipur Kibubai pei asoshi shimtetogo ta metetang; Kodang ni Kibuba dang jadir, pai angashitsü. *T.Ken 4:3*

S.O: Pei nem nungloksüba mapa nung ochi shia alitsü tashi meshidi.

17/11/2022: Saka Tsüngremer ain nung noktaktettsü asoshi kü o aser ni sayutsüngiba osangji temesüzükba shisatsü nung masü, saka Tanelä kuli aser ain nung liasü. *1 Korint 2:5*

S.O: Impur Nursing school atema sarasademtsüdi.

18/11/2022: Kechiaser Nisung Chir samaba bushitsü aser kümzüktsü aru.

Luk 19:10

S.O: Achi ajem nung mazüoki alirtem dang meima benshitsü aser melenshidakjang ta tashi meshia sarasademdi.

19/11/2022: Yisu Khristaji yashi, tanü aser teti tatem maka kasa dang lir. *Ibri 13:8*

S.O: NBCC Sesquicentennial amungdang Tsüngremer tatenba meshia sarasademdi.

20/11/2022: Sakang, pelatepang, kechiyong ne tesangwa arua lir, aser KIBUBA sentsüwangshi ne madak adokogo. *Isaia 60:1*

S.O: Cari balala nung teyariteper (conductors) atema sarasademtsüdi.

21/11/2022: Tongmelangeri o ajak amanger; saka tekümdangeri pei aolen reprangshiranger. *A. Shin 14:15*

S.O: Deacon board membertem nem Tsüngremer shisatsü maneni agüjang ta sarasademtsüdi.

22/11/2022: Takar o sensaker külemi ajuruteper, parnok ajak teyanglurji KIBUBA lir.

A. Shin 22:2

S.O: Policetem atema anema aliba taküm maneni meshitsüdi.

23/11/2022: Saka mamangbai pilara pa odakjang. Ibalta nisungji tamangba adianui mesüra adianutsüri alena mali, kechiaser Tsüngremi nenok teputep nung alitsü aja.

1 Korint 7:15

S.O: Kibong nung apu ani tsüngda mezüngmeshia benshiba jaklatem samajangta sarasademdi.

24/11/2022: Kechiyong ne ket agi züsentetba nai achitsü. Na tepelatsü alitsü, aser ne den junga alitsü.

T.Ken 128:2

S.O: Arogotsür tenzüklatem nem anema aliba meshija sarasademdi.

25/11/2022: Tejangraba nung anüanüa teli. Tanelta nung jangrabangra liang.

Rom 12:11

S.O: KABA Sanctuary Flower Club atema sarasademtsüdi.

- 26/11/2022:** KIBUBAi kechisarena nükjidong ka yur yanglu. *A.Shin 16:4*
S.O: KABA Associate Pastor Women aser Secretary atema Tsüngremer leniba meshia sarasademtsüdi.
- 27/11/2022:** Pa dang arogo nung aser Khrista Yisu nung sentsüngwangshi putu ajak nung tetiliang! Amen. *Efesa 3:21*
S.O: Taküm sempet yimya balaka nung asortem (Differently abled) atema sarasademtsüdi.
- 28/11/2022:** Züsenba ajak nung tajangzük lir,saka tebangi jembiba agidangbo anüng apung dang tendaktsür. *A.Shin 14:23*
S.O: KABA Women ministry ajanga Holistic Ministry agutsür aliba arogotem moajang ta shidi.
- 29/11/2022:** Shibai KIBUBA dak tamang akar, shiba tamangbaji KIBUBA lir, pa temoatsü. *Yerimia 17:7*
S.O: Impur atema tenungsang agüja sarasademdi.

- 30/11/2022:** Ne mapa KIBUBA nem nunglokjang, sûrabang ne terenemba ataloka atatsü. *A. Shin 16:3*
- S.O:** Arogo nung sentongtem balala sarasadema inyaka arudang Tsüngremer lenisüba nung takok tajung nung aniba atema tenungsang agutsüdi.

DECEMBER

- 01/12/2022:** Oh, kü nela, KIBUBA sangang; aser kü dak aliba ajak agi pa temeshi tenüng sangang. Oh, kü ela, KIBUBA sangang; aser pa teyaritem tamadok. *T. Ken 103:1-2*
- S.O:** Nagaland Statehood ngur küm 59 tashi anir aruba atema tenungsang agutsüdi.
- 02/12/2022:** Anungji pai temulung tindang agi parnok sannüker aküm, Aser pa teka tetangshi agi parnok anishi. *T.Ken 78:72*
- S.O:** Naga lima nung yimten yimsüsertem atema sarasademtsüdi.
- 03/12/2022:** Aser Kibubaji Tanelalir, aser kongsa Kibuba Tanelalir, idakji nüjbajilir. *2 Korint 3:17*
- S.O:** Linük nüjisobushirtem telok balala atema sarasademdi

04/12/2022: Saka KIBUBAi ashi, "Techirtem rongnung ka na koda yutsütsü, aser ne nem alinük tajung kin telok senmang tajung koda agütsütsü?" Aser ni ashi, "Nenoki kü dang kübu ta ajatsü; aser kü sülen anidakba nungi meyipa maotsü.

Yerimia 3:19

S.O: Naga lima semdangi arur touristem atema sarasademtsüdi.

05/12/2022: Ner linük nung aliba aener dang mejungi tebenshi.

Levi 19:33

S.O: Kohima nung hotel aser guest house tem atema sarasademtsüdi.

06/12/2022: Aser pai kü dang ashi, "Kü taochi na asoshi teperi, kechiaser kü ain mokokmin nung abensadaktsür." Anungji Khrista ain kü dak alitsü asoshi Ni kanga pelashishia kü mokokmin nunga uludi.

2 Korint 12:9

S.O: Tanur sozükli süadoker kibongtem atema sarasademtsüdi.

07/12/2022: Kibubai onok dang Yamai özüng agütsü: 'Alima tatem tonga tekümtet alitsü, Bendangertem dangi tesangwa ka asoshi ni na shimtetogo.

T. Mapa 13:47

S.O: KABA Missionarytem bilemteta tenungsang agüja sarasademtsüdi.

08/12/2022: Kü dak nenok tesünep angutsü asoshi ni nenok dang itemi jembiogo.
Alima nung nenok timtem tekangshi kar; saka tasü itang ni alima kokogo.

Yohan 16:33

S.O: Depression agi timtemer tem atema anisüngzük meshija sarasademdi.

09/12/2022: Kibuba nem tenüngsang agüjang, kechiyong pa tajung lir, kechiyong pa
yimlibilem teti alir. *1 Putipuyang 16:34*

S.O: Natural calamities tulu nungi Naga lima kümzuka anir aruba atema
tenungsang agutsüdi.

10/12/2022: Anungji piyazü tejen agi masü, mesüra tamajung agi masü, saka chichiba
aser ochiba piyazü meinokba amtsük agi asenoki benjongji benshidi.

1 Korint 5:8

S.O: Benjong mapang tesem ka nungi tesem kati senzü sebonger atema
sarasademtsüdi.

11/12/2022: Pai kechisarena pei mapang nung tobur junga yanglu; ano pai nisung mulung nung tatem maka enoktsü, aji oda saka nisungi tetenzük nungi tatem tashi Tsüngremi inyakba mapaji munguteter. *Sayu. 3:11*

S.O: Küm tempanga arudang lokti tentet balala mazüngi inyaktepdang anema aliba takokba moajang ta shidi.

12/12/2022: Tamburtem shirnoki jungjunga yimsü asür, tongtibangsa shirnoki o nung aser tesayuba nung inyaker, parnok dang anasü akhümtsübu agütsütsü tetemsü ta zünghiang. *1 Timoti 5:17*

S.O: KABA pastorstem nem Tsüngrem O tali tarokba nung maneni ratetsü tashi ain meshija sarasademtsüdi.

13/12/2022: Ni kü mulungjang ajak agi na sangdi, Oh KIBUBA.Ne tesüngmangtsü mapa ajak indang ni ashitsü. *T.Ken 9:1*

S.O: Taküm 2022 küm Arogotsür sentong ajak takok ngudaktsüba atema tenungsang agutsüdi.

14/12/2022: Anungji nenok koda jajar kümdanga reprangang, shisa makaba ama masü, saka shisa akaba ama jaja-ang. *Efesa 5:15*

S.O: Yisu asoba benjong amongtsü asoshi sentong balala yangludang Tsüngrem den jajatsü tamadokdaktsü ta shidi.

15/12/2022: Ni KIBUBAji kü jakdang maneni ayutsü; kechiaser pa kü teka tajichilen alinung ni marakzütsü. *T.Ken 16:8*

S.O: Mr. Limawabang Aier (KABA security guard) aser kibong atema sarasademtsüdi.

16/12/2022: Ne jara kübok yimjung, aser ne chuba kidang azükaru lidakjang.

T.Ken 122:7

S.O: Mr. Nungsangyabang (KABA security guard) aser kibong atema sarasademtsüdi.

17/12/2022: Temeim nung tetsübu mali, saka tabensa temeimi tetsübu aridoker, aser shibai tsübur pa temeim nung tabensa maküm. *1 Yohan 4:18*

S.O: Mr. Supongmanen Jamir (KABA security guard) aser kibong atema sarasademtsüdi.

18/12/2022: Kechiyong shibai nenok dak mapa tajung tenzük, pai Yisu Khrista anogo tashi ajisa abensatsütsü ta ni amanger. *Filipi 1:6*

S.O: Mr. Nguo (KABA security guard) aser kibong atema sarasademtsüdi.

19/12/2022: Kü shi aser kü mulungi tamakok nguaka, saka teti Tsüngrem kü mulungjang tashi aser shilem lir. *T.Ken 73:26*

S.O: Mangyimertem atema tesünep taochi meshija sarasademtsüdi.

20/12/2022: Kechiaser shibasa Tsüngrem nungi aso, pai alima akoker aser takokba kobai alima ajeter ibaji asen tamang. *1 Yohan 5:4*

S.O: Chirnurtem nem takok agutsüba tenungsang agutsüdi.

21/12/2022: Aji saka sensakertem timtem toushi nungi pai temalenı ajungkettsür, aser san telok ama par kinungerterem kümdaktsür. *T.Ken 107: 41*

S.O: Benjong mapang achi ajem peria malirtem atema sarasademtsüdi.

22/12/2022: Kechiaser KIBUBA ne Tsüngrem nenok den odagi, pai nenok asoshi tsükchirtem den raratsü aser nenok kümzüktsü. *Tazüngkunem 20:4*

S.O: Ajungben lendong nungi kümzüka yujang ta shidi

23/12/2022: Pai asenok dang temenen ajak nungi kümzüktsü asoshi pei sasa asenok asoshi agütsü, aser mapa tajung asoshi jangra-a alitsü atema nisung telok ka pa asoshi meshitettsütsü. *Tita 2:14*

S.O: Christmas mongpu nung nisung shia taküm nung Khrista temeim shisadangba mapang ka südakjang ta shidi.

24/12/2022: Na asoba nebu dang angang, aser netsü tantsür akümdang tesempa.

A. Shin 23:22

S.O: Asen tsürapur atema tenungsang agüja sarasademdi.

25/12/2022: Kechiyong Tsüngremi alima odang meim nung pai pei ajaso Chir agütsü, anungji shirisa pa dak amangdir mesamatsü, saka teti taküm akatsü.

Yohan 3:16

S.O: Tsüngremi meimba shisadanga mapanga agia tenungsang agütsüdi.

26/12/2022: Anungji Techiri nenok nüji kümduktsüra, nenok shitak nüji alitsü.

Yohan 8:36

S.O: Hospital balala nung shiranga alirtem bilemteta sarasademtsüdi.

27/12/2022: Temeshipur tebuji kanga pelatsü; aser shisa taka tanur asor jagi pa indang pelatsü. *A. Shin 23:24*

S.O: KABA Father's School moaja sarasademi.

28/12/2022: KIBUBAI kiji meyanglura, iba kisürtem amajok nung belemer, KIBUBAI yimtiji nüka melira, tanükerji amajok dang nüka alir. *T.Ken 127:1*

S.O: Pei kibong bilemteta sarasademi.

29/12/2022: Putirtema shirnok ni anasa arudir, parnok sasa meshitedakjang, aji oda mesüra ni parnoka merenshitsü. *Anitet 19:22*

S.O: KABA toklang tenzüker ajak moaja sarasademi

30/12/2022: Kin rongnung pa sentsuwangshi metedakjang, pa tesüngmangtsü mapatem nübur ajak rongnung! *1 Puti.16:24*

S.O: Naga kin tem Tsüngremi ajungketba atema tenungsang agütsüdi.

31/12/2022: Aser iba anogo nung nenoki ashitsü, KIBUBA nem tenungsang agüjang, pa tenüng nung ja-ang, kin rongnung, pai inyakbatem metedakjang, pa tenüng ajungketa lir ta sangdongang.

S.O: Atangji KIBUBAI asenok küm peyong lenmang balala ajanga aniogo. Konang tetushi Pa nem agütsüdi.

Note

Note

□

CALENDAR 2022

01 JANUARY						
MON	TUE	WED	THU	FRI	SAT	SUN
31				1	2	
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30

04 APRIL						
MON	TUE	WED	THU	FRI	SAT	SUN
			1	2	3	
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	

02 FEBRUARY						
MON	TUE	WED	THU	FRI	SAT	SUN
1	2	3	4	5	6	
7	8	9	10	11	12	13
14	15	16	17	18	19	20
21	22	23	24	25	26	27
28						

05 MAY						
MON	TUE	WED	THU	FRI	SAT	SUN
30	31				1	
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29

06 JUNE						
MON	TUE	WED	THU	FRI	SAT	SUN
			1	2	3	4
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30			

07 JULY						
MON	TUE	WED	THU	FRI	SAT	SUN
			1	2	3	
4	5	6	7	8	9	10
11	12	13	14	15	16	17
18	19	20	21	22	23	24
25	26	27	28	29	30	31

08 AUGUST						
MON	TUE	WED	THU	FRI	SAT	SUN
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30	31				

09 SEPTEMBER						
MON	TUE	WED	THU	FRI	SAT	SUN
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30		

10 OCTOBER						
MON	TUE	WED	THU	FRI	SAT	SUN
31			1	2		
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30

11 NOVEMBER						
MON	TUE	WED	THU	FRI	SAT	SUN
1	2	3	4	5	6	
7	8	9	10	11	12	13
14	15	16	17	18	19	20
21	22	23	24	25	26	27
28	29	30				

12 DECEMBER						
MON	TUE	WED	THU	FRI	SAT	SUN
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30	31	